

C. B. D.

## PRÆLOQUIUM.

**A**editos principis sensus, & si qvid occultius parat, exquirere, illicitum, anceps; nec ideo assequare; sic non absurdè dixit Tacitus. a) Qvia enim imperare nihil aliud est quam legitimè fallere populum b) Atq; in aulis hinc inde regnare videtur Tiberius, qvis adeò possit esse Lynceus, ut obscuram simulationum & dissimulationum transennam sua acie metiri ac percurrere audeat? Reperimus hic crepundia; sed non è cistellis Plautinis c) deprompta: offert se fucus; ast subtilior purpurissimo Solimanni, quo ad fallendos exterorum Legatos faciem illicinere solebat: d) Venditur fumus; sed cujus mercatura privatis interdicta. e) Uno verbo, omnis Respublica est instar scenæ & comœdiæ. Nam ut in comœdia repræsentantur res, quæ nunquam fuere, & personæ tales finguntur, quæ nunquam extiterunt: ita in Rep. qvoad res & personas, omnia alia in specie ostenduntur, aliae ipsa fiunt. f) In ancipiis igitur hac via expectandus eventus, qui consilia hactenus obscura, ipsi meridiano soli exponit. Is aperiebat tandem civitatibus Græciæ qvid vapido sub pectore servasset Philippus: g) nec celabat Romanos, finito bello, quæ Eumenis Regis contra Persen fuissent querelæ h) ostendebat etiam M. Claudio Marcello, quo Cæsaris vergerent consilia. i) Atq; ista eum in finem dicuntur, ut ad discursum historico-politicum de ROMULO fiat præparatio. Siqvidem nos non in obscuris rerum adytis macerabimus cogitationes, sed potius ad ea convertemus animum, quæ in apricum ætas dudum protulit. FAXIT DEUS FELICITER!

a) Annal.lib.6.cap.8. b) Plato de rep. c) Cistell.act.4 sc.1. d) Busbeq. ep.1.p.m.77. e) Boccalin.cent.2.cap.65. f) Boxhorn.Institut.Polit.I.1. cap.15.explanat. g) Justin.lib.9. h) Livius lib.42. i) Sveton.Jul.Cæs.c.28.